

01 APRILIE
RUGACIUNEA 1
SF.MUCENIC
AVRAMIE BULGARUL
DE LA VLADIMIR

Моли́тва

Святы́й му́чениче Авраа́мие, до́блий во́ине Хри́ста Царя́ Небе́снаго, в ско́рбех и напа́stech пре-
сла́вный наш помо́щниче и защи́тниче! Ничто́же
возмо́же отлучи́ти тя от любве́ ко Го́споду Иису́-
су: ни ле́стныя обеща́ния благ вре́менных, ни
преще́ния, ни му́ки от злых враговъ святе́йшия
Христо́вы ве́ры; ты, я́ко лев, изше́л еси́ на брань
проти́ву волко́в мы́сленных, духо́в зло́бы,
подви́гших на тя, ра́ди до́браго твоего́
испове́дания, единоплеме́нный тебе́ наро́д
бо́лгарский, и, я́ко о́гненная стрела́, тех порази́л
еси́ си́лою благода́ти Свята́го Ду́ха, и кре́пкия,
я́ко смерть, любве́ твоея́ к Бо́гу. А́ще и проли́ял
еси́ кровь твою́ за Христа́ Бо́га на́шего, погуби́в
вре́менную жизнь, о́баче безсме́ртною душо́ю,
я́ко оре́л, воспари́л еси́ в го́рния оби́тели Отца́
на́шего, насле́довав там ве́чную жизнь, сла́ву и

блаже́нство неизре́ченное, и оста́вив нам
нетле́нные оста́нки твоя́, яко крин многоце́нный
и благоуха́нный. Ве́руем, страстоте́рпче святы́й,
яко предста́ со а́нгелы и все́ми святы́ми Пре-
сто́лу Сла́вы Триипоста́снаго Бо́га, усер́дныя и
богоприя́тныя возно́сиши моли́твы не то́кмо о
нас, о святе́й оби́тели сей и гра́де на́шем, но и о
всей святе́й Христо́вей Це́ркви и о правосла́вней
Ру́сской держа́ве. Ве́руем, пресла́вный чудотво́р-
че, яко ты, си́лою всемо́гущаго Го́спода Иису́са
Христа́, чрез святы́я мо́щи твоя́, источа́еши
обильны́я да́ры благода́тныя по́мощи во спасе́-
ние всем с ве́рою к тебе́ притека́ющим, наипа́че
же испра́шиваеши кончи́ну с пока́нием тебе́
чту́щим, и благосе́рдно помога́еши немощны́м
младенце́м, да вси от ма́ла до вели́ка
единоду́шно прославляе́м неиспове́димое вели́-
чие благо́сти Божией. Тем же ве́рою и любóвию
ко святы́м мо́щам твои́м припада́юще и благого-
ве́йно о́ныя лобыза́юще, умоля́ем тя, до́брый на
Небеси́ наш моли́твенниче и засту́пниче,
помога́й нам гре́шным и смире́нным твои́ми мо-
ли́твами во всех ско́рбех, ну́ждах и обстоя́ниях
на́ших, сохраня́й нас, святу́ю оби́тель сию́ и град
сей от вся́каго зла́ и вся́кия напа́сти, наипа́че же
споспешествуй в́ечному спасе́нию на́шему и
всех прося́щих от тебе́ по́мощи и заступле́ния.
Ей, смире́нно мо́лим тя, уго́дниче Бо́жий, моли́
Христа́ Бо́га на́шего, да даст Он мир и ти́шину

всем правосла́вным христиа́ном и да отврати́т
от нас вся́кий гнев, на ны дви́жимый, да изба́-
вит нас от се́тей вра́жиих, томле́ния во у́зах
греха́ и муче́ний а́довых, и да сподо́бит нас не-
досто́йных одесну́ю Себе́ ста́ти на суде́ Своём
пра́веднем и вни́ти в ве́чный поко́й святы́х Его́,
иде́же пра́зднующих глас непреста́нный и неиз-
рече́нная сла́дость зря́щих добро́ту лица́ Его́; и
та́ко возмо́жем с тобо́ю и все́ми святы́ми
просла́вляти Отца́ и Сы́на и Свята́го Ду́ха,
Тро́ицу Единосу́щную и Неразде́льную. Ами́нь.